

Nós pûr Gostin, spari èl inch da kël' òra,  
Odû mai plû n'èl sté da val persona  
Da degûna sazon, nó tért nó adòra.  
Revê sùn ki dlacions èl tē na ria ona;  
Kě súa anima sî iló t' ki crēp bandida,  
702 S' ó tó a di dē Colfòsc la gēnt saorida.

Na man plû tért ciafé an sùn kēla dlacia  
Púc dó kesta desgrazia sozedûda;  
Mò can kē l tēmp sùn ki crepons dlone tacia  
E dût va iló ad in fûm da gran nevûda,  
Can kē dût gonfedēia e sòfla con rabia  
708 E kē sta gian a chiaşa inch la gēnt sabia:

Vēghen datrai n bēl pér, kē róda e salta  
Fóra per ki dlacions e gran pizades,  
Fóra per kēla nēi gonfedada alta,  
Fagean gonót dē dēr bēles slitades:  
Èi bala con gran şelo la Forlana,  
714 Èi la bala con fûria veneziana.

## II. L Signal.

Aldís iló a mēşa noet kēl stlinghinamēnt  
Jû sòt Corvára jûn ki Plans dlongia rû?  
Èl è l Bracon asasinè con tradimēnt  
4 Da kēl da Còz, l plû gran lotron dlone temû.

Odès, sùn chiaval blanc cavalîr sporoman  
Travérs i Plans e sùra l'èga ía dē sbonf?  
Francēsc dē Brac va dlon kirian tē kēl bēl plan  
8 Sô gran nemic per gran vendēta e gran trionf.

Chiarèdē iló dôi cavalîrz dē fòsc vestis,  
Tē la lûm dē la lûna tlér sdloinan!

L brao Bracon èl e kël rī Còz, da lonë aldīs  
12 Gean a sporom per ki Plans dlon sē batan.

Aldīs tel kīt dē la doman kël son bèl tlér,  
Kē fēz dūt chiez k'è mōrt bèl plan resori?  
L „Angelus“ èl, kē despartēs l dūr fēr dal fēr,  
16 Fagean tra ki dē Còz e Brac la pēz n dí.

### III. La Pilleia.

T'a san Chiašan, lūc dēr salvar, mò zēnza bèl,  
Èl gnūt zacan, pasé sarāl bēgn cēnt an',  
Na búrta vèdla dūt corida dē na pèl;  
4 L planēt iló tē m'āla līt a cotan'.

Vèdla fó kēla dēr scicada dan da dūt';  
Kël k'ā da gni, traodóla con oedl segù,  
I tēmp stomāla danfóra, frēit', chialt', mói, sūt',  
8 Gonót, š'an i ès stimè, èssen gran mal sconù.

Per mata la tegnī té rī pici mitons,  
Saltava dó per kēles strades dlon scraian:  
„Pilleia búrta, t'ès na stria, spedré t'orons!“  
12 Dó té paróles givi spó dlon sciampan.

Púra mēda, a degūn' nē fageóla dē mal,  
Gonót del bēgn, olá e can k'ēla podó;  
Mò š'ēla coió sū tē strada n ran sēc o val,  
16 N'el atira kē cospetā e t'i scraiā dó.

La vèdla profetēsa amava l nūmer trēi:  
„Trēi léc' gnarāl col tēmp“, digeóla, „in Badia,  
Ótes trēi modará per kēs la val só pēi.“  
20 Dòi léc' èl sté, del téz n'án chiamó odù nia.

„A fa l stradon porvé porvarán òtes trëi“,  
Digeóla chi gonót, „mò mai në roarán“.  
L stradon, digi, k'è fat şëgn, ël sará chi vëi,  
24 Mò trëi stradons saori fat ëssen intan.

Da odëi spó sta chiamó del laür la perfezion;  
Sovënz tlamen kël laür revè e düt feni,  
Kë së desmòstra dó èster óra den lotron,  
28 Fata zënza cervël, an në sá perchi.

La púra vèdla, gnúda a arlérc dad inşacolá,  
A arbandoné n bèl dí ki da san Chiaşan;  
Gcúda së n'ëla indó, degún' olá në sá,  
32 Na pért mina, k'ëla áiş cri sù val salvau.

#### IV. Per na Maròra.

Gonót l'inòm dë Fáles alden prononzian,  
Dë këla bèla mont plëna dë sasons,  
Rica dë crëp, k'an vëga dlone al cìl revan;  
4 T'a mèz bī cói vërt', bon past per i manşons.

Nia lonë da olá k'ël è na pran chiaşara şëgn  
Fól n taiapères e bèl dlongia n moriná;  
Tra d'ëi s'oróvi bon, së viginava bëgn  
8 Scëc dòl galùc cofá sù n piş poriná.

Mò contentëza, dī në durla sùn keş mon;  
Scëkë sorëdl da inrè dá n dí düt intir,  
Zënza k'an vëghë níores o aldë splondran l ton,  
12 Dúra chi púc la fortuna e l tēmp leşir.

Ki dòl vigina, tramidòi s'évi inamorá  
— Trápola fóva këla del bür malan —  
Të na té ria Maròra, fia den carigá,  
16 Per vië gonót cospetada dal plován.

Per kēla spiza n sēn tremēndo s'ái cīafé;  
Zedē nē n'ó degún, vignùn l'oró avēi;  
Tan ál foré l malan, k'ēi s'ó na noet copé,  
20 Dūt ái bēl ingignē per la feni tra ēi.

Mò kēl bel Dī, dē ki dōi mat' ál compasiōn,  
Perchi k'ēi fōva zēnza dagnōra prōš;  
K'ēl è chi masa dan, vèghel, e nēt nia bon,  
24 K'ēi sē danē per ria stria dai chīavēis rōš.

A san Giorgio per kēl á comané l bon Dī  
Dē sporomé dal cīl jū in Fanes bēl snēl  
E dē sfēnē in gran tōc', zēnza pešimē dī,  
28 L crepon sūra i rivai con cōlp nó morjēl.

San Giorgio stīma gian, ēl stīma sūl momēnt;  
Kēl kē diš kēl bel Dī, sará bēgn bēgn fat,  
Pēnsel e sporomēia dal cīl tan snēl kē l vēnt;  
32 Jū vēgn nōš Sant devérs Fanes per l bēl at.

Gran' òra fōl, kē san Giorgio gnis e revēs;  
La bēga fō impiantada tra i dōi rivai  
Con gran' cortī e con chiēz kē vignùn snēl cīafēs;  
36 Abraciá fōi, balan inscī dār būr bai.

Tē kēla sfēnē kēl crēp nōš Sant con bráo cōlp;  
L tōc dē sūra è restē iló olá kē denant,  
Albérc kiri d'invér gonót da tas ed òlp;  
40 Mò l tōc dē sòt, kēl è, dal Sant spēnt, gnū inant.

L crēp tōma con šēšūr e gran gracenamēnt,  
Crepé in mil tōc', e cūr sòt itē i rivai,  
Con ēi l morin, lapró chi l'ater chīasamēnt;  
44 Kī dōi sgraziá, finida šēgn la véra ái.

Mò tramidōi è chiamó sòt itē iló bī vis;  
I bót' sūrt' del scarpèl e l vérs del morin

Aldís iló recórda d'i dòì òmi i bī dís,  
48 Mò chi l tormēnt sòt ki crepons zēnza fin.

Feni sará. inscí conten, dūt kēl búr tormēnt,  
Šě valgún' zēnza tēma da mēša noet  
Véga tē kēla fósa l'iad' con ardimēnt  
52 E preferēš i gran' strabač a bon lèt.

### V. Ai Ladins.

Oh, pròš Ladins, d' óš bèl lingaz tignidě cont!  
Tignidě cont plú kē podès del tešór,  
K'è plú prezits dē troep kē dūt l lúč da Sompont,  
4 Chi plú kē kēl kē rēgna l mon, argēnt e ór!

Oh, bon' Ladins, d' óš bèl lingaz chiarèdē bēgn,  
K'ès da óstes bones, pròses òmes arpé!  
D'èster n lotron e zēnza cūr mē da búr sēgn  
8 Ki dē si òma l lingaz nē sá respeté.

Pūri Ladins, d' óš bèl lingaz festidě aèdē!  
Con kēl ves á les pūres òmes a priè  
A kēl bel Dī insignè; mai nel desmentidě,  
12 Šě nó podès chi Dī d'òs sē desmentìè!

Bravi Ladins, stimèdē l lingaz granmēnter,  
Arpé da ki Latins, pópol tan stodiè,  
Bēgn arlevé, potēnt trēs da vèdlamēnter,  
16 Tē vigni véra aošè dlonc a davagnè!

Paziēnt' Ladins, l lingaz ladin, d'onòr gran dēgn,  
Dan dal dūt insignèdē a úš pici mitons!  
Dē tegni cont dē nōš lingaz tòkela šēgn  
20 E dē sē stravardé dai gran' chiacolons.

Rajonèdō, šě sēs dē plù in adum, ladin!  
Vigni ater lingaz laseen a can k'an mēs;  
Tan k'i sá, rajonava i Latins tra šì latin,  
24 K'an daiē chi spó ai Ladins dūt kēl k'an dé i dēs!

Ed òs, dē l'arpejonga dē Cristo guardian',  
Òs, k'arès n dí da dé dē kēsta gran cont,  
Chiarèdē chi dē l'arpejonga d'i Roman',  
28 Šě nó mē tēmi, k'òš dovèr nē sī arjont!

## VI. La Fedeltè.

Bon oróva Tarézia al pròs Vighil da mat',  
A degùn' zēnza noet e dí nē pensāla;  
Da fa spavènt per kēs fóva sù viē ed at',  
4 K'ēla fageóva n dí pró d'ēl dlongia stala.

Capí n'oróla d'èster só Vighil soldá  
E dūt kēs per na té ria nùmera basa;  
Dē kēs fageóla n baodiamènt tremèndo ia e ea,  
8 Kē dūt' digeóva iló, kē té stragi è masa.

„Mi bon Vighil, mi cūr“, digeóla dlón pítan,  
„Mi dūt, mia vita, mi sòl pensir dagnóra,  
Šě tù ten vas, k'i n' aldē plù túa ūz rajonan,  
12 Mē tēmi dēr, k'ēl sī per mé l'última òra.

Vighil conēs só gran dovèr e tól comiè;  
Ingiért val, gian nē va degùn' tē casérma;  
Kē só cūr i crepès, i paról dal pitè,  
16 Kē fageóva ēla a odēi, k'ēl gī sòt a l'érma.

La vita da soldá fóva segù ria asá:  
Fa ešerzizi, salté dē vigni vérs, sù e jù,  
Lapró da caporái gròl e rī trēs blastemá,  
20 Spó nia tē gófa, can k'i dēnz ès gian mordù.

Mò l bon Vighil patì dūt' kiš strabač dër gian:  
Dë gran confört les lëtres i ë dë súa bèla,  
Scrites col sanc del cür ad ël, só bon crestian,  
24 Plënes dë füc, d'amòr dë la poverèla.

Dó an' ed an' finalmënter së rüva i strabač;  
Del rì serviz la fin vëgn dešiderada;  
Lascé pó šëgn Vighil cašërma e i bür palač  
28 E gi sen pól a chiaša, la bëgn amada.

La strada, oh, tan saorida t'i savóla šëgn!  
Cënt òtes plü d'orëla cürta e morjèla,  
Kë can k'ël dó ël lasciä dūt, s'amòr e só bëgn,  
32 Só bèl tešór con dūta súa parentèla.

K'ël vëgn, degün' nel sá, degün' nel dës savëi;  
Inaspeté revè ól, kë sī la ligrëza  
Plü grana e chi plü bèl l gran momënt dë s'odëi;  
36 A keš bèl momënt pënsel con contentëza.

Oh, l bèl soldá, có k'ël së spaza dë revè!  
Gran prëscia ál d'abracé súa bona crestiana,  
Ezémpio a dūt' dë castitè, dë fedeltè,  
40 Dë dūtes les terzianes la plü terziana.

La chiaša šëgn da lonč vëghel, fata sū n cól,  
Bèla blanchia, da nū defóra smaltada;  
Gi var a var da dër soldá šëgn plü nē pól,  
44 Só iadë sfadiūs fenëš con na gran saltada.

Degün' nē l'á odū gnan sū per stiga ten salt;  
N sbalz a mēz pórt, spó spalankëiel l'uš dë bóta,  
Vëga súa mūta dlongia — n crestian mégber, alt!  
48 Oh, pür Vighil, ël vëgn blanc scèkë na cóta!

„Ob, chiara,“ diš Tarézia bèl snël, „ki k'ël è!  
Vighil soldá! degün' šëgn nē t'aspetava;

Mò bon bon kē t'ès gnūt! Kiló vèl dūt modè;  
52 Kēs kiló ái tūt per òm, kē dūt' mel laldava.\*

56 „Ah, insci? dūt' tel laldava?“ barbotā l soldá.  
Dūt só cbiè i sal, kē ródě e cigiděiče e šēnē;  
N momēnt pēnsel, chi k'ēl tē keš bošēgn dēs fa  
56 E chi k'ēl fōs, k'a kēla podēs plú incēnē.

Mò ma n momēnt dorā pró Vighil ki pensirz;  
Ēl sá l castic, kē tòca a persóna tala.  
„Credēdē dūt' mi aogúri dē nóa senzirz!  
60 Mò la chiaša ái falé, ēl n'è soēnz kē sē fala.“

Ater ně digel. Gi sen val col chiè bèl bas,  
Bēgn pūr dē cūr, mò ric gnūt dē gran speriēnza:  
Dē bisca falzitè conēscel, cūr dē sas,  
64 La crodeltè den chiè zēnza inteliģiēnza.

## VII. N Salút a Púz.

I ves salúdě, mi bī crēp dē Púz dēr alt'!  
I ves salúdě dutes, gran pizades.  
Plú dērtes kē bī chiampanís, spizes scèc tlalt'!  
4 N salút chi ad òs, fezúres dlonec sērades!

N salút a ti, mi gran bèl plaṇ del bèl Cbiampēi!  
Mil diolans, oh bèl léc, per la ligrēza,  
Renovada vign'òta, k'i podó t'odēi  
8 E fa dē bèles òres con sveltēza!

A ti, oh bèla fontana, mil ringraziamēt'!  
Mil diolans dē tūa scinconda d'ēga,  
Kē resorí i stanc' fēz dūt ligri e dūt contēt',  
12 Miù dē zúker kē cól dēr golūs dlēga.



Èles sê n'è les òres, pasades gonót  
Dlongia té sùn kël bèl banc o sù l'érba;  
Col stlóp vagàn datrai per l bèl rendení n bót,  
16 Mai per copé chiamürë da na gran bérba.

I tē salüdë, bèl Cól da La Soné dît!  
Dër gian dë keš inòm la gáoza aldissi.  
Perchi as trës e trës l'oedl vérs Crespëna fit?  
20 Šë t'as val pósta, gian tē socodissi.

Chi a ti n salút, n salút dër bèl, dë mil cói l ré!  
I tē salüdë, Cól dë Montigèla!  
Òtes bëgn plù dë cënt sùn tó bèl obië aí pesté,  
24 Sùn té vign'òta m'ai paré ía la orèla.

A dër púchia fadia das tú n dër bèl paiamënt;  
Tó cür déores, cól ric, a la gran sciënza;  
L'oedl, d'odëi la natúra coriús, dût contënt  
28 Vëga iló del bon Dī la gran presënza.

N salút a ti, Rokëta, la val dë les valz!  
Vérgin ès tú, dë bëles flüs corida,  
Vérgin tra vèdli griš, dût vérgin zënza falz,  
32 Per dût' ki k'iló rúa estira saorida.

N salút a ti šëgn, bèla Piza dë la mont!  
A ti kiló n' inkin fégi, regina;  
Bèl piz, gonót da ria saíta toké ed arjont,  
36 Dan té plëgn dë maëstë vignùn s'inkina.

Dë té, regina, féz i snī chiamürë mantël;  
Tú t'ès per ëi dë dût refúgio la òma;  
Cër té ía vai dlon saltan da búrt tan kë da bèl,  
40 Segúš sê vèghi iló, mai n'èl kë tòma.

Tú, ob bèla Piza, adóres dë Dī la maëstë,  
La pruma tra les pizes indorada.

Tù la última dē Dī potēnt la santitè  
44 Salùdes cōn inkin in gran parada.

Sùn té pièga cōn devozion l devót l jonēdl  
Ed adóra del bon Dī la prešēnza,  
Can kē dūt cant sdlomina, indoré da sorēdl,  
48 Criè per nōš bēgn da la gran Providēnza.

N salùt a ti, bèl léc dūt brum, plēgn dē secrèt',  
Tù, la plù bèla flū in dūta Crespēna!  
Con té rajona gian e dēr gonót socrèt',  
52 Tormentá da festidē e da gran pēna.

N salùt a ti, dē dūt Púz la gran bèla mont!  
Mil diolans e mil grazies a ti digi;  
In mèz a té á dē bon' pensīrz la còhn arjont,  
56 In té dē Dī la gran potēnza ligi.

In mèz a tūs pizades e tū bī lastons  
Vigni rī e būr pensīr in mé á dé bando;  
Mont plù santa kē mil santes amonizions,  
60 In té n'á léc chiez k'è dē contrabando!

N'últim salùt chiamó, oh dē Púz la bèla mont!  
Da té mēsi, scèc mūt kē mēs da si òma;  
Fezūra sarál prēs tra mé e té zēnza pont,  
64 Scèc ēl n'è pont mai nó tra Ròma e Ròma.

### VIII. L Salvan dē Frára.

Conté ves mēsi šēgn dē Frara, la gran mont,  
Kē fēz confin tra l bèl Colfōsc e Gherdēna;  
Gonót á iló val pūr pasant la mórt arjont,  
Segn n'èl sté d'i desgraziá na dešēna,  
Kē l'a mesada zedē a būr gonfedamēt,  
6 A gran nevéra, a gran tempēsta ed a būr vënt.

Sùn kēla mont, corida dlone dē bī gran' pra,  
Menā n salvan zacan vita salvergina;  
Con chiaša o mažon n'avel gonót val da fa.  
Mangiè mangiāl raiš, érbes, chi val talpina:  
Dad alton spó fageóva bròdi só mangiè,  
12 Gonót ciaognavel chi režina con largiè.

D'istè da bon chialdin stével olá kē mai;  
Šegn sùn Piz Colač sùra Plan l'incontáven,  
Olá k'è zēnza gian i bòs ed i chiavai;  
Sùn Měšores gonót chi cīafé l cīafáven,  
Mò l plù gian stēl zēnz'ater sùn ki Būš da Cīr;  
18 Iló sòt ki bī lēgns i parōl salf lešīr.

Mindechè sù da i Pič sù l vèghen spaziran,  
Cò k'èl còi ciuf, bronšins, édelwais, fīus ghéles,  
K'èl pórtā tē lā man contēt e dlon snašan;  
— Sùl chiapèl sbordoné chi dēr bēgn t'i stēles ---;  
Gonót spó traošan l vèghen pré da Lagoscèl  
24 O l pré dlongia, dal blòt palù dūt cant morjèl.

L plù bèl i parōl l tēmp dē gi a mont, l bèl istè,  
Can kē dūta la mont dē gēnt fō dlone plēna,  
Dē setūs con chiapī sfolá, sbogeá sùl chiè,  
Dē tiradumz plù mates d'ēs kē somēna,  
Dē sciòri kē va incēre trēs per divertimēt  
30 E k'è per cēr persónes soēnz dē gran tormēt.

Èl n'é pa spó nia ognért con gēnt, nōš pūr salvan;  
Bonač fóvel, daidā laoré a ki k'oróva;  
A siè, èl vēi, s'astilavel plù tós da talian,  
Mò dal restlé fageóvel kēl k'èl podóva;  
L plù gian daidal les tiradumz cēr i bagót',  
36 Chi a olté fēgn bēgn sēc sē lasciāl itē a bót'!

Les fancèles, gonót l'áveles per só mat,  
L fageóva gi per èga con val pazēda

O i comanā a stracé ad arlére val gran ciùc frat,  
 — Pró la lègua èl, dùt' sá, chi l frat kē compēda —;  
 Pró coginē daidāl tizē o chi mosciodé,  
 42 Šē la fancēla ā sūra fūc žūfa o scarté.

Nós pūr salvan, l plū ria l'avel tan l būr invér,  
 Can kō dùt gī ad in fūm tō kēles nevères.  
 A tegni l tēmp dē Frara mēs èster dō fēr  
 Ki kē n'ó paìe sborades soēnz masa chiéres.  
 Dē refúgio i servī spó stales e tablá,  
 48 Mò datrai fól tel tēmp masa dad incērā.

Gonót can kē l tēmp fóva d'invér plū kē mat  
 E kē l gonfedé, l frēit, l nevēi n'ā finada,  
 E l gran būr vēnt soflava tra mēz scēc rī giat,  
 Toróva chi nós bon salvan n'atra strada,  
 Sfolava i gonf jū per ki cói dùt' bī valis,  
 54 Revan jū a Rūn sū insom Colfòsc con gran fadis.

La patrona iló priavel del lascé scialdé;  
 Per ater a nē fa nia chi iló nē stével;  
 Scialdé k'èl s'ā, daidāl o sī pró frogoré  
 O pró i mitons; gonót tē mažon inch ével,  
 Del piē e gran bestiam dēr bon ožoradū  
 60 E cōr fūgn o cōr stran bon fant e servidū.

Mò dī nē stēl per ater pró chiaša e mažon;  
 Apēna kē l tēmp dé n pū sū sū per Frara,  
 Lasciā chi nós salvan la fūrchia e palaton,  
 La stala e dùt cant chiēz kē va zēnza para,  
 E sen piava sū vērš Crepácia e vērš l Gran Pré,  
 66 Da dùt' per só bon temperamēt dēr laldé.

Dī sūn la mont dō Frara inscí a vivū l salvan,  
 Da piē, da gran amé e bēgn odū a vign' òra;  
 Mò na insciūda, can k'an odóva dùt menan,  
 Kirin dō ban nós pūr salvan tért e adóra;

Da kël momënt incà nē n'èl plù mai sté odù,  
72 Mò n rù tlamen „l Salvan“ chiamó iló al dí da incù.

## XI. La Sëra.

Con só bèl son d'argënt tlér la chiampana  
La fin del dí nonziëia a païs e campagna;  
Gran e pié, dùt', patrons, la gënt meşana,  
Kë tan dùt l dí dë gran fadia l soius bagna,  
Tól jù l chiapël e con devozion grana  
Salùda la òma santa, kë gian stagna  
Les gran ferides dë gënt tormentada,  
8 Da gran fadis e gran mai vizitada,

L laúr lasci l rī, a Maria l'ofërta fata,  
Dá libertè a les bèsties bëgn straciades;  
Dùt', bëgn kë stanc', s'abini tē na pata,  
Les ëles bèl tra d'ëles abraciades;  
— Gonót valecūna pé da i vič dùt mata —;  
Na bèla chiantia spó chianti a ūz alzades,  
K'ël renderēs da les monts indorades  
16 E da les pizes 'nkina al cīl alzades.

Col' ūr bèl tòc les vachies bëgn pasciūdes  
Sen vëgn a chiaşa, stlinghinan bronşines  
E chiampanëles tlères o sfenūdes,  
Pasa dlon brian per valz e per colines;  
Inënter it con módes coneschiūdes  
Pici vidī, quért' dë pantan, d'odlines,  
Petan del cū dó sù, briëia, scrichia e salta,  
24 Kë da les pëgnes l'ëga stlūta ma alta.

Dë bīsces n pastorčč, fōsces e blanchies,  
Arbandoná i crēp, basa a la planūra,  
Pasa a bèl tlap magīres, chi paranchies,  
Salùda, gnan a frida, val tlesūra,

— Bon şëgn segù, k' èles n' è masa stanchies —;  
Val rì bagót' sè mèt a la tortùra,  
Sè dá, k' èl è n spavènt a odèi, tociades  
32 Zënza skivè les bürtes sangonades.

Dai crëp dë Púz les chiòres vëgn, les fines,  
Salta, sè vërò sù alt, longies, indobliades,  
Sè dá con reverènzies salvergines  
Da bèsties mates dë bürtes cornades,  
Sbalza golòşes sùra mürz, antines,  
Rotan tè pra, tè chiamp les fiş robades,  
Në a blastemons në a crist' metan a vërda,  
40 Kë tira, plëgn dë soiùs Martin kë vërda.

I crëp dë santa Crùş, la gran Varèla,  
Dë nêi dagnòra quérta la Tofána,  
Dë Lagaciò i bī crëp con gran forcèla,  
Del rì Sotsas la piza alzada e grana,  
Depènt' scèc ór da man maèstra e morjèla,  
Con maèstè l país dë Pèra Marişana,  
Boá, dë Crespèna i ligri crëp saltùda,  
48 Sasongher l sério e Colfòsc, la planùda.

Ki picì pic', i bī fine' l chianté lascia;  
Chi les skirlates da la còda longia  
Kīr sù só albérc sù i bī pëc sòt val dascia;  
Mò la òlp bëgn falza şëgn sùa mùsa slongia,  
Lascian la tana e sù picì, kë rascia  
E mórd adum düt cant chièz k' i rùa dlongia;  
L dulè con seior bür salvar sè lamènta,  
56 Per kës gonót val vèdla sè tormènta,

### X. La Cortina dë Colfòsc.

La noet con ares fòsces è revada,  
Con vènt leşir dai crëp alt' èla gnùda.

E á paré a chiaşa dût con bèla squada;  
Del bèl sorèdl la flama sê destûda,  
Sûl firmamënt è n'atra lum impiada,  
La lûna sêria, kê só mon salûda,  
Só mon d'i mórt', kê tē cortina palsa,  
8 Da olá kê mai plû vèi revegni n'alsa.

Trés e trés dôrmî iló n son tē sùs fôses,  
Kê sô léa góbes, longies da la téra;  
Brêics cater, frades chi kêles, pûc gróses,  
Fôrma só lêt; dagnòra péz, mai véra!  
Desmentîe ái dûtes dē keş mon les côses,  
Nê pēnsa ai vis, kê riat' sē séra e zéra;  
Frêit' eşi iló, d'ormons spēişa d' licata,  
16 Chiamó gonót maledis da gēnt mata.

Del vënt l sôfl frêsc sù la doman nê sēnti,  
D'i pici flinc' l bèl chianté plû nê n'aldi,  
L lîgher chianté del gial iló desmēnti,  
Del cór dē lēgn l son, aldí lonč bēgn scialdi,  
Plû n'i descēda dal son mai plû, oh cēnti!  
Pró frogoré, dó l laúr, plû nê sē scialdi;  
Sù pici mitons gramz, nodris con pēna,  
24 Plû n'i aspēta sùn antoré per cēna.

Mò dē keş mon òs gran', alzá a fortûna  
Zēnza merit, zēnza virtú sfadiòşa,  
Dē desprigè la gēnt, kê dôrm iló a ûna,  
Stravardès! Azion fôssel spaventòşa!  
Tra i trocē ilominēcia iló fôş la lûna,  
Kê con onòr plû k'atri e man gloriòşa  
L scétro peşóc ès porté dē monarca  
32 E a pórt segù mené l pópol sùn barca.